



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-1210-15.2/23
Sarajevo, 29.12.2023. godine

Na osnovu čl. 69. stav (1) tačka b) i 70. st. (1), (3) i (6) Zakona o javnim nabavkama ("Službeni glasnik BiH" broj: 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), na Preporuku Komisije za nabavku, broj: 06-11-1210-12.2/23 od 28.12.2023. godine, u postupku javne nabavke roba: „Vatrogasna oprema“ za LOT 3. – Vatrogasne potisne cijevi, direktor Kantonalne uprave civilne zaštite Kantona Sarajevo *d o n o s i*

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: 06-11-1210-12.2/23 od 28.12.2023. godine i ugovor o nabavci roba u postupku javne nabavke „Vatrogasna oprema“ za LOT 3. – Vatrogasne potisne cijevi, dodjeljuje se izabranom ponuđaču **FINANC d.o.o. Mostar**, ul. Auguste Šenoae br. 16, 88000 Mostar, prema ponudi broj: 1312/23-FM od 13.12.2023. godine, za ponuđenu cijenu u iznosu od 10.000,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan dostaviti original ili ovjerenu kopiju dokumenata iz člana 45. stav (1) tačka a) do d) Zakona o javnim nabavkama ("Službeni glasnik BiH" broj: 39/14 i 59/22) u roku od 5 (slovima: pet) dana, računajući od dana kada je obaviješten o izboru najpovoljnije ponude, ukoliko isti nisu dostavljeni uz ponudu i to na način i u formi kako je zahtijevano tenderskom dokumentacijom za predmetni postupak javne nabavke.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 10 (slovima: deset) dana, računajući od dana kada je ponuđač obaviješten o izboru najpovoljnije ponude.

Član 4.

Ova odluka će se objaviti, u skladu sa članom 70. stav (6) Zakona o javnim nabavkama ("Službeni glasnik BiH" broj: 39/14 i 59/22), na web stranici Kantonalne uprave civilne zaštite Kantona Sarajevo (www.kucz.ks.gov.ba) i istovremeno će se uputiti ponuđaču koji je učestvovao u ovom postupku javne nabavke.

Član 5.

Za realizaciju ove odluke zadužuje se Sektor za materijalno-finansijske poslove Kantonalne uprave civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom budžeta Kantona Sarajevo.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 06-11-1210/23 od 22.09.2023. godine.

Predmetni postupak nabavke je proveden putem otvorenog postupka javne nabavke.

Procijenjena vrijednost javne nabavke roba: „Vatrogasna oprema“ za LOT 3. – Vatrogasne potisne cijevi je do 23.000,00 KM (bez uključenog PDV-a).

Komisija za nabavku je imenovana Odlukom, broj: 06-11-1210-1/23 od 22.09.2023. godine.

Obavještenje o nabavci, broj: 282-1-1-112-3-50/23, objavljeno je dana 18.10.2023. godine na Portalu javnih nabavki, kao i tenderska dokumentacija. Ispravka Obavještenja o nabavci, broj: 282-1-1-112-8-58/23, objavljena je dana 11.12.2023. godine na Portalu javnih nabavki, kao i izmjene i dopuna tenderske dokumentacije.

U roku utvrđenom za prijem ponuda zaprimljena je jedna ponuda za LOT 3. – Vatrogasne potisne cijevi, a nije bilo ponuda zaprimljenih nakon isteka roka za prijem ponuda.

Na sjednici Komisije za nabavku održanoj dana 19.12.2023. godine, Komisija je izvršila pregled i ocjenu dostavljene ponude ponuđača FINANC d.o.o. Mostar. Naime, na osnovu dostavljenog kataloga sa prospektnom dokumentacijom i slikama ponuđene robe, koje je dostavio ponuđač FINANC d.o.o. Mostar u ponudi, Komisija je imala određene nejasnoće da li ponuđena Vatrogasna potisna cijev (Ø D 25/15 sa spojkom) ispunjava uslov tražen Aneksom VII Tehničke specifikacije za LOT 3 – Vatrogasne potisne cijevi, u dijelu koji se odnosi na konstrukciju, kako slijedi: „posebna ojačanja u području oko spojnica cijevi tzv. čarapa“. Nadalje, Komisija je imala nejasnoće i da li ponuđena Vatrogasna potisna cijev (Ø C 52/15 bez spojke) i Vatrogasna potisna cijev (Ø D 25/15 sa spojkom) ispunjava uslove tražene Aneksom VII Tehničke specifikacije za LOT 3 – Vatrogasne potisne cijevi, u dijelu koji se odnosi na konstrukciju, gdje unutrašnja obloga od gume treba da ima dobru otpornost, između ostalog na: „naftu i naftne derivate, mineralna ulja“. S tim u vezi, usaglašeno je da će se za navedeno tražiti pojašnjenje ponuđača u skladu sa članom 68. stav (3) Zakona o javnim nabavkama („Službeni glasnik Bosne i Hercegovine“, br. 39/14 i 59/22 – u daljem tekstu: ZJN), te je Komisija dana 25.12.2023. godine, aktom, broj: 06-11-1210-11.3/23, tražila od ponuđača FINANC d.o.o. Mostar pojašnjenje dokumentacije iz ponude, gdje je navedeni ponuđač dana 27.12.2023. godine dostavio odgovor, broj: 2712/23-FM, na traženo pojašnjenje.

Na sjednici Komisije za nabavku, održanoj dana 28.12.2023. godine, Komisija za nabavku je razmotrila dostavljeno pojašnjenje, gdje je utvrdila da je ponuđač u roku propisanim ZJN dostavio traženo pojašnjenje. Navedenim pojašnjenjem otklonjene su nejasnoće, te je

utvrđeno da je dostavljena ponuda prihvatljiva i sa tog aspekta, odnosno da je ponuđač FINANC d.o.o. Mostar ispunio sve uslove tražene Aneksom VII Tehničke specifikacije za LOT 3 - Vatrogasne potisne cijevi.

Kako je utvrđeno da ponuda ponuđača FINANC d.o.o. Mostar ispunjava sve zahtjeve u pogledu opisa predmeta nabavke i tehničkih specifikacija i da je kao takva kvalifikovana i prihvatljiva za ugovorni organ, o navedenom je sačinjen Zapisnik o pregledu i ocjeni ponuda, broj: 06-11-1210-11.2/23 od 19.12.2023. godine.

S tim u vezi, Komisija za nabavku dostavila je direktoru Kantonalne uprave civilne zaštite dana 29.12.2023. godine Preporuku o izboru najpovoljnijeg ponuđača, broj: 06-11-1210-12.2/23 od 28.12.2023. godine i Izvještaj o provedenom postupku javne nabavke, broj: 06-11-1210-13.2/23 od 28.12.2023. godine.

Na osnovu dostavljenog Izvještaja o provedenom postupku javne nabavke roba: „Vatrogasna oprema“ za LOT 3. – Vatrogasne potisne cijevi, utvrđeno je da u predmetnom postupku javne nabavke roba dostavljena ponuda ponuđača FINANC d.o.o. Mostar prihvatljiva, a koja je ujedno i jedina dostavljena ponuda.

Direktor Kantonalne uprave civilne zaštite Kantona Sarajevo nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je Preporuka o izboru najpovoljnijeg ponuđača data u skladu sa odredbama ZJN, podzakonskim i općim aktima.

Shodno navedenom, primjenom člana 69. stav (1) tačka b), člana 70. st. (1), (3) i (6) ZJN, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. ZJN. Ugovorni organ će postupati po žalbi na način propisan odredbama člana 100. ZJN.

Dostaviti:

1. Sektoru za materijalno-finansijske poslove KUCZ KS,
2. FINANC d.o.o. Mostar,
3. www.kucz.ks.gov.ba,
4. a/a.



